



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De 2. Præcepto Decal.

urn:nbn:de:hbz:466:1-41767

est, cum quis desperat, se posse saluari, etiam cum auxilijs diuinis, aut desperat hæc auxilia. Secundum est, cum quis præsumit, se posse saluari, etiam sine sua cooperatione, aut gratia Dei.

24 Contra Charitatem specialiter peccatur per odium Dei, aut per omissionem actus amoris, quando virget præceptum. Omnia autem peccata mortalia sunt aliquo modo contra Charitatem: quatenus destruunt Dei amicitiam. Aliqua specialiter, quæ sunt contra bonum proximi: de quibus dicitur sparsim in alijs præceptis. De peccatis contra Virtutes Theologicas legi potest *Tolet. lib. 3. initio Azor. tom. 1. lib. 9. initio. Sanchez tom. 1. lib. 2. cap. 6. 33. & 35. Filliuc. to. 2. tract. 22. à cap. 4.*

DE SECUNDO Præcepto Decalogi.

*Non assumes nomen Domini in
vanum.*

1 **P**ROHIBETUR hoc præcepto omnis
actio, qua irreligiose, & irreue-
rentes,

reter, & non cum debito honore sanctissima Dei nomina vsurpentur, & hoc pacto polluantur. Cum enim Dei nomen aliquod vsurpamus; tenemur reuenter, religiosè, & sanctè vsurpare: vt fit in Iuramento, Adiuratione, Voto, & similibus: de quibus hic agendum est.

De Iuramento.

2 **I**uramentum est inuocatio, seu attestatio diuini testimonij in confirmationem alicuius rei: & potest esse quadruplex. Assertorium, Promissoriũ, Comminatorium, & Execratorium. Exemplum primi est: si quis per Deum iuret hoc, vel illud esse verum. Secundi, si quis iuret, se daturum aliquid, vel facturum in bonum. Tertij, si quis iuret, se pœnam aliquam, aut malum alicui illaturum. Quarti, vt si quis sibi pœnam imprecetur sub iuramento, si hoc, vel illud faciat, aut dicat: vt Deus hoc, vel illud mihi faciat: moriar, si hoc, vel illud faciam. Potest autem iuramentum fieri explicitè per ipsum Deum: aut implicitè iurando per creaturas, quatenus